



Na osnovu člana 32, člana 64. stav (1) tačka a) i člana 70. Zakona o javnim nabavkama («Službeni glasnik BiH», broj 39/14) i člana 18. Poslovnika Centralne izborne komisije Bosne i Hercegovine («Službeni glasnik BiH», br. 50/07, 33/09, 24/13 i 32/14), na preporuku Komisije za javne nabavke od 11.05.2016. godine, Centralna izborna komisija Bosne i Hercegovine je na 25. sjednici, održanoj 19.05.2016. godine, donijela

O D L U K U o izboru najpovoljnijeg ponuđača

- (1) Okvirni sporazum za javnu nabavku usluga štampanja i pakovanja glasačkih listića dodjeljuje se ponuđaču **“ATLANTIK BB“ d.o.o. BANJA LUKA.**
- (2) Ponuda ponuđača **“ATLANTIK BB“ d.o.o. BANJA LUKA** je u skladu sa kriterijima i tehničkom specifikacijom utvrđenoj tenderskom dokumentacijom i ocijenjena je kao ekonomski najpovoljnija ponuda za ponuđenu cijenu u iznosu od **646.290,42 KM bez PDV, odnosno 756.159,79 KM sa PDV.**
- (3) Prijedlog okvirnog sporazuma dostavit će se na potpis izabranom ponuđaču iz stava (1) dispozitiva ove odluke po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude u skladu sa članom 71. stav (1) Zakona o javnim nabavkama.
- (4) Na osnovu zaključenog okvirnog sprazuma, ponuđaču **“ATLANTIK BB“ d.o.o. BANJA LUKA** u skladu sa članom 32. stav (5) tačka a) Zakona o javnim nabavkama, ponudit će se ugovor o štampanju i pakovanju glasačkih listića za Lokalne izbore 2016. godine.
- (5) Ova odluka stupa na snagu danom donošenja i objavit će se na web stranici Centralne izborne komisije BiH.

O b r a z l o ž e n j e

Postupak javne nabavke usluga štampanja i pakovanja glasačkih listića za Lokalne izbore 2016. godine proveden je putem otvorenog postupka. Obavještenje o javnoj nabavci broj: 794-1-2-36-3-15/16 od 18.03.2016. godine objavljeno je na Portalu javnih nabavki. Do krajnjeg roka za prijem ponuda dana 05.05.2016. godine do 14:00 sati na adresu Centralne izborne komisije BiH dostavljene su četiri ponude ponuđača: „Zrinski“ d.d. Čakovec, „Atlantik BB“ d.o.o. Banja Luka, Grupa ponuđača „Grafomark“ d.o.o. Laktaši i „Compex“ d.o.o. Banja Luka i „Amos-Graf“ d.o.o. Sarajevo.

Komisija za javnu nabavku, imenovana odlukom broj: 07-2-16-3-96-2/16 od 04.02.2016. godine, izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 07-2-16-3-96-27/16 od 11.05.2016. godine, u kojem je dala preporuku Centralnoj izbornoj komisiji BiH da u ovom predmetu javne nabavke donese odluku o dodjeli okvirnog sporazuma ponuđaču „Atlantik BB“ d.o.o. Banja Luka.

Uvidom u dokumentaciju nesporno je utvrđeno da ponuda ponuđača „Atlantik BB“ d.o.o. Banja Luka je u skladu sa kriterijima i tehničkom specifikacijom utvrđenoj tenderskom dokumentacijom i da je ocijenjena, prema pokriterijima cijena i rokovi, kao ekonomski najpovoljnija ponuda sa ukupno 100 bodova za ponuđenu cijenu u iznosu od 646.290,42 KM bez PDV, odnosno 756.159,79 KM sa PDV, a koja je i u okviru osiguranih sredstava za predmetnu nabavku.

Prema ostvarenim bodovima ponude su rangirane sukcesivnim redom, kako slijedi:

R.br.	PONUĐAČ	Podkriterij cijena 1	Podkriterij rokovi 2	Ukupan broj bodova (1+2)	Ponuđena cijena KM (bez PDV)	Ponuđena cijena KM (sa PDV-om)
1	Atlantik BB d.o.o. Banja Luka	90,00	10	100,00	646.290,42	756.159,79
2	Amos-Graf d.o.o. Sarajevo	83,97	8	91,97	692.709,90	810.470,58
3	Grupa ponuđača Grafomark d.o.o. Laktaši i Compex d.o.o. Banja Luka	77,72	8	85,72	748.420,80	875.652,33
4	ZRINSKI d.d. Čakovec	60,51	7	67,51	817.129,47	956.041,48

Imajući u vidu naprijed navedeno, Centralna izborna komisija BiH je i odlučila kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od 10 dana od od dana prijema ove odluke.

Broj: 07-2-16-3-96-29/16
Sarajevo, 19.05.2016. godine

Dostavljeno:
-Ponuđaču
-a/a

